

[illegible]

पशमीना कन्नै जुडे दे उदयमियें, निर्माताएं ते कारीगरें सरबन्धी फाउंडेशन-PEMA दे इक डेलीगेशनै उपराज्यपाल मनोज सिन्हा हुंदे'नै मलाटी करियै उने'गी फाउंडेशन दे आयोजित होने आहले पशमीना कारीगर पुरस्कार समारोह बारे जानकारी दिती। तांआई ICICI बैंक दे जम्मू-कश्मीर ते लद्दाख दे ज़ोनल प्रमुख संदीप शर्मा होरें बी एल.जी हुंदे'नै मलाटी कीती। बैठक दौरान केन्द्र शासित प्रदेश जम्मू-कश्मीर दे दूर-दरेडे इलाकें च बैंकिंग सुविधाएं गी बेहतर बनाने ते डिजिटल बैंकिंग सुविधाएं च बेहतरी आहन्ने बारे चर्चा कीती गई।

<><><><><><>

मुख्यमंत्री उमर अब्दुल्ला होंरें जम्मू-कश्मीर दे सरकारी स्कूलें च 5 शा 13 बरें दी उम्मी दे बच्चें लेई अंतर्राष्ट्री मानसिक विकास कार्यक्रम- ALOHA mental arithmetic प्रोग्राम आह्वने दी जरूरतें पर जोर पांदे होई आखेआ ऐ जे बच्चें गी शिक्षा प्रणाली च इक ऐसा स्तर हासल होना लोड़चदा ऐ जेहड़ा उ'नेंगी लोड़चदे हुनर कन्नै लैस करने दे कन्नो-कन्नी राश्ट्री ते अंतर्राष्ट्री सतह उप्पर मुकाबलेबाजी जोग बी बनाई सकै।

श्रीनगर दे एस.के.आई.सी.सी. च आयोजित ALOHA National Level Competition-2026 Kashmir दरान भाशण दिंदे होई उमर होरें आखेआ जे सेहत ते शिक्षा दे खेतर, सरकार दिआं द'उं सबनें शा बड्डी जिम्मेदारियां न ते खिते दे पूरे-पराते विकास लेई एकडे खेतरें च लगातार ते टिकाउ निवेश दा होना अत लाजमी ऐ। मुख्यमंत्री होरें आखेआ जे शिक्षा दे बगैर किश बी हासल नेई कीता जाई सकदा।

<><><><><><>

LA Pvt Members' Bills

जम्मू-कश्मीर च शराब पर बंदश दी मंग आहले त्रै प्राईवेट मिम्बरें दे बिल अज्ज जम्मू-कश्मीर विधानसभा दे कम्मकाज आह्नी सूची च शामिल कीते गेदे न। ध्यानजोग ऐ जे इस ब'रे जम्मू च फरवरी ते अप्रैल म्हीनें दरान लाए गेदे विधानसभा दे बजट इजलास दे दरान एकडे बिलें पर चर्चा नेई होई सकी ही। उ'आं इ'नें बिलें गी अज्जै लेई सूचिबद्ध कीते गेदे पैहले 5 बिलें च थाह हासल होई दी ऐ इसकरियै ऐसा मन्नेआ जाई सकदा ऐ जे इ'ंदे पर चर्चा कीती जाई सकदी ऐ कीजे विधानसभा दे मजूदा इजलास दरान प्राईवेट बिलें लेई द'उं ध्याडें दा समां मुकरर कीता गेदा ऐ। विधानसभा सचिवालय आसेआ जारी कम्मकाज सरबंधी कार्यक्रमै मूजब, असैम्बली च प्राईवेट मिम्बरें दे कुल 35 बिलें गी सूचिबद्ध कीता गेदा ऐ। अज्जै दे अलावा औंदी 28 सितम्बर दा ध्याडा बी इ'नें बिलें लेई रक्खेआ गेदा ऐ।

<><><><><><>

CAS-NC Visit

वायु सेना प्रमुख एयर चीफ मार्शल A.P. सिंह होरें बड़े मते सामरिक महत्वै आली उत्तरी कमान थैटर दा दौरा लाइयै, मजूदा सुरक्षा हालात ते कार्रवाइएं सरबन्धी तैयारिएं दा जायजा लैता। रक्षा मैहकमे दे इक प्रवक्ता नै दस्सेआ जे उत्तरी कमान दे जनरल आफिसर कमांडिंग इन-चीफ लैफ्टिनेंट जनरल प्रतीक शर्मा होरें वायु सेना प्रमुख होरेंगी कमान दे उधमपुर हैडक्वाटर च संचालन सरबन्धी मुख्ख तौर-तरीकें ते अंतर सेवा तालमेल आली पैहलकदमियें दे बारे च जानकारी दिती। बलें दी कार्रवाइएं सरबन्धी समर्थ च पूरा विश्वास जतांदे होई वायु सेना प्रमुख होरें गलाया जे वायु सेना दी पच्छमी कमान ते सेना दी उत्तरी कमान ने हर स्तर पर बड़े बधिया तालमेल दा प्रदर्शन कीता ऐ।

<><><><><><><><>

Itoo Ayurveda Day

सेहत ते मैडिकल शिक्षा मंत्री स्कीना इतू होरें आखेआ जे सेहतमंद समाज गी छड़ा अस्पतालें ते दोआइएं दी गै लोड़ नैई ऐ। सगुआ समाज च जागरुकता, सेहतमंद जीवनशैली बारे जानकारी ते कुदरती संसाधनं दा जिम्मेदारी कन्नै इस्तेमाल कियां करना ऐ, इस बारे बी पता होना लाजमी ऐ। एह गल्ल उ'नें आयुष निदेशालय आस्सेआ 11में आयुर्वेद दिवस दे सरबन्धै च लोआए गेदे कार्यक्रम गी सम्बोधित करदे होई आखी। एदा सरिस्ता सेहतमंद कल लेई आयुर्वेद विशे तैहत कीता गेआ।

મંત્રી હોરેં આખેઆ જે આયુર્વેદ સ્હાઢે રિવાયતી જ્ઞાન દા ઇક મહત્વપૂર્ણ હિસ્સા એ, તે ઇસી હુન દુનિયા ભરેં ચ માનતા તે સકારાત્મક પ્રતિક્રિયા હાસલ હોઆ કરદી એ।

<><><><><><><>

CS-Temple Inauguration

મુખ્ય સચિવ અટલ ડુલ્લૂ હોરેં શ્રીનગર ચ નમેં સિરેઆ સોઆરિયે ત્યાર કીતે ગેદે શીતલ નાથ મંદર દા ડદઘાટન કીતા। ડ'નેં ઇચ્ચે જનેંઈ વિરાસતી થાહરેં દે સંરક્ષણ તે સાભ-સંભાલ દી જરૂરતેં પર જોર પાયા। હિંદૂ માન્યતાએં મૂજબ શીતલ નાથ હોરેં'ગી 8 ભૈરોં ચા ઇક મન્નેઆ જંદા એ। ડ'નેં આખેઆ જે એહ સ્હાઢી વિરાસત એ તે સ્હાઢી સારેં દી જિમ્મેદારી એ જે ઇનેં'ગી અસ બચાચેં તે ઇનેં એતિહાસિક થાહરેં ગી ભવિષ્ય દિએં પીઢિયેં લેઈ બચાઢયેં રખચેં।

<><><><><><><>

Bank Open –Sunday

ખજાના મંત્રાલય નેં દસ્સેઆ એ જે ગ્રાહકેં દી સ્હૂલત આસ્તેં સારે સાર્વજનિક ક્ષેત્ર દે બેંક તે ક્ષેત્રીય ગ્રામીણ બેંક એતવારેં 27 સિતમ્બર ગી ખુલ્લે દે રૌહગંન। મંત્રાલય નેં આખેઆ એ જે એહ ગેંહ યુનાઈટેડ ફોરમ ઑફ બેંક યૂનિયંસ –UFBO આસેઆ 28 થમાં 30 સિતમ્બર તગર પ્રસ્તાવિત ત્રે દિન દી રાશ્ટ્રવ્યાપી બેંક હઢતાલ દે ચલદે પુટ્ટી ગેઈ એ। હઢતાલ થમાં પૈહલે 26 તે 27 સિતમ્બર ગી બેંકેં દી પૈહલે થમાં ગે છુટ્ટી એ। એહદે ચલદે એહ આદેશ જારી કીતા ગેઆ એ।

भारतीय रिजर्व बैंक नै सारी बैंक शाखाएं, दफ्तरें, ATM कन्ने जुड़ी दिएं शाखें ते
Currency Chestएं गी ऐतवारें पूरी चाली चालू रखने दी मंजूरी दिती ऐ।

<><><><><><><>

Kiwi Grower Udh

उधमपुर जिले दे चनैनी इलाके दे बसनीक 60एं बरें दे साबका फौजी असलम भट्ट ने
अपनी जिमी पर आर्गेनिक कीवी दी काश्त करियै होरनें लेई इक मिसाल कायम कीती ऐ।
असलम होरें बागवानी सरबन्धी आधुनिक तौर-तरीकें गी अपनाइयै अपनी तकरीबन 6
कनाल जिमी पर कीवी दी खेती कीती दी ऐ ते हर बरे उनेंगी तकरीबन 18 शा 20
क्विंटल बधिया किस्मै दी कीवी हासल होआ करदी ऐ। असलम हुंदी एह कामयाबी खिते
च बधिया किस्मै दी बागवानी फसलें आहली समर्थ गी दर्शादी ऐ ते कन्ने इब्बी दस्सदी ऐ
जे किस चाल्ली करसान-बागवान, रिवायती फसलें थमां अगगे बधियै होरनें फसलें दी रइ
करियै अपनी औंदन दे दायरे गी बधाई सकदे न।

<><><><><><><>

Adolscent Education-Rbn

रामबन जिले च किशोर उम्मी दे बच्चें दी शिक्षा बारै स्कूली अध्यापकें लेई इक सिखलाई
कार्यक्रम करोआया गेआ। जिला शिक्षा ते सिखलाई संस्थान - डाईट बनिहाल आसेआ
आयोजित कीते गेदे इस कार्यक्रम दा आयोजन जम्मू-कश्मीर स्कूली शिक्षा बोर्ड ते जेएंडके
एड्स कन्ट्रोल सोसायटी दे सैह्योग कन्ने कीता गेआ।

ज़ोन दे बक्ख-बक्ख हिस्सें थमां स्कूली अध्यापकें एहदे च हिस्सा लैता। उ'आं इस कार्यक्रम दे आयोजन दा मुख्य मकसद 10 शा 19एं ब'रें दी उम्री दे किशोरें दे शारीरिक, मानसिक ते समाजी कल्याण दी स्थिति, एचआईवी ते एड्स दी रोकथाम ते सामान्य साफ-सफाई दे बारे च जागरूकता पैदा करना ऐ।

<><><><><><><>